

續

學

堂

詩

鈔

續學堂詩鈔卷三

宛陵梅文鼎定九甫著 孫穀成循齋甫較梓

丙寅

汪栗亭招同諸子集棲真山分韻

霞標倚曾城天際矗孤秀
屐屨出郊坰咫尺見巖
岫陂隨帶畦圃縈紆涉溪
溜麓近失前囑林壑紛
避就廻複歷重岡半嶺闌
靈鷲虛室坐軒敞鐘磬
寂清晝靈源湛龍湫泠泠
鑒裒裒羽觴旣以飛嘉
旨錯芳藪歡極轉成歎
眷焉念朋舊

癸亥曹秋岳
侍郎會此同

遊憶昨此登眺命侶亦花侯卉木互嬾媚芝蘭同一
一臭憑陵探奇與徵討益疎謬渺渺行雲流日月
忽如驟丹臺留子明至藥當誰授庶幾勇樹立不
亡以爲壽

穀雨試茶應督學侍讀李公教

桃花爛熳水萍生桑田綠滿鳴倉庚遲日山園乘
野興縹瓷小啜心脾清由來詞客多煩慮每恨酒
醒無麗句聊嘗苦茗勝醇醪閒愁澣滌歸何處天
生靈草性神奇烹之有法采有時氣如蘭蕙質松

柏風霜荆棘從相欺君不見陽羨之茶中冷水物
類相須各千里一逢鴻漸著爲經修名天地齊終
始

題匡廬彭蠡圖爲文江李醒齋學使

君不見神禹昔導南條水東迤北漚爲彭蠡表裏
江漢納百川洞庭其兄震澤弟沐日浴月涵太清
遙峰出沒蒼波瀾於中廬岳尤崔嵬烟霞淖約離
塵埃瀑縣高空倒銀漢雄視九野吞埏垓崑崙南
迴亘南紀一迴一渡名山峙同雁高曾枝葉繁仙

霞天目雲仍耳庾嶺以還此大宗包絡巨浸塵蒼
穹大孤馬當肩牖戶金焦到海環垣墉由來瀨氣
鍾清淑廬陵起衰真不俗鵝湖鹿洞輩相望至今
講席尊儒術我公家世本承明躬膺

帝簡疊持衡南宮已重難林譽秦苑仍高雁塔名
江邦巖谷多寒峻水鑑光澄竿牘擯深沉鐵網舉
珊瑚畧去驪黃賞神駿雨霽山城春綠齊芳菲桃
李正成蹊披圖仰止情何極極睇匡山彭水西

次韻麻陂潭和袁中江

澄潭收衆壑千尺俯沉冥徑轉山容幻雲蒸水氣
腥空濛霏積翠窈窕接遙青丹竈軒轅近松根采
伏靈

仙源早發

山色澣初晴遙峰出郭明路從春草入人逐曉雲
行石筍空中簇蓮花天際橫浮邱客我輩絕頂聽
吹笙

芙蓉巷卽事

太乙諸峯雲亂生芙蓉嶺下水澄清松亭小憩聞

鸞鶴未到丹臺身已輕

黑龍潭上有石如枕在危峯立石之顛

石枕神工琢天然青靄間雲中應有客高臥聽潺湲

自斧山踰芙蓉嶺

烟開衆岑殊林轉孤峯矯遠矚紛岐巖逼視藏奧
突短衣攀斷崖微睇俯高鳥磴紆望不極瀑喧語
難了遂踰千尺危坐對諸山好參差互出沒咫尺
判昏曉汨塵悲來遲尋真思去蚤

松谷菴

奮屐出曾險策杖凌仙掌
倏忽躋崇顛飄飄愜孤
往下闕迷來運岡陵卑伏莽
磴道多欹危潛谷乍
開爽鼓篠啟荆扉虛堂沃幽賞
棠梨共馥郁天桃
亦疎朗山深春到遲入夏如溫壤
登仙有遺蛻誦
咀仍金像新笋饗夕飡孤鐘驚夜響
淒清露氣濃
悠然失塵網

由太乙峯登石笋硯卽事

淺碧殷紅間綠苔香生衣袖洗塵埃
羣仙欲引登

真履故遺琪花滿路開

登始信峯

孤標斗絕出曾烟冰雪姿容太古前
松作龍髯垂翠壁人騎羊角負青天
萬山屹侍寒巖異半嶺中分日月懸
坐聽霓裳空外奏雲開冉冉揖羣仙

軒轅峯煉丹臺

昇仙無昔軌躡雲留今峯翠巖蘊
流霞丹崖被長風蒼然峙終古削
男飄寒空短樹競詰屈修草爭蒙茸
境寂遺凡慮山峭頌天工爐鼎多
彫說金火

寧雷同褰裳詢至道遶矣懷高蹤

蓮花峰絕頂

鳥道盤空穿石罅孤邛宛轉出松根丹梯直上羣
峰伏赤縣迴看萬象尊真界從知離衆域微軀今
已近台垣飄飄便欲乘風去坐對天都日色昏

奉答潘稼堂檢討兼送歸吳江

二首

歷譜源經史學者忽如遺剗心事良難逢世非所
資逝矣西儒術耳食尤深疑苟未明實理其肯去
町畦元本著幾何引伸析豪釐三角總萬形要眇

稱難知夫君述作雄而後能精思廼識才人心善
入無幽奇余亦耽癖嗜一卷恆自怡音稀人夢聽
碎琴徒爾爲區區二紀勤今日逢鍾期

卑棲依故山耳目城偏蔽所恃思慮通書冊苦難

備金嶺有耆宿

薛儀甫先生居
青州金嶺驛

道遠不可至一棧

疏所疑聊質平生意雙魚旣以達濫焉聞厭世溯

洞空欲從茲意終安寄誰知槃澗寬近在吳淞渚

吳江王寅旭先
生頗精歷算

投薛亦有書深問徵十事已矣今

復徂遺篋唯奇字浩歌觀古今能傳曾幾氏寧無

人與書寂寞荒江淡藏弃得君子手澤無遺棄還
斷共表章鄭重貽同志

丁卯

吳綺園招同栗亭方鄴甫公家瞿山耦長施
汜郎集寓齋陪郡司馬曹寶庵卽席拈韻
時曹有朋
辱之詢

江城新雨霽春光自駘蕩延陵多好懷召客集書
幌裴几羅芳尊軒楹啟閒敞高言四坐清陳編亦
共賞豈敢耽宴遊德藝貴相長君子當代英詩格

黃初上論交折輩行彥會車騎枉識韓方在茲登
龍鳳嚮往迂疎世所遺殷勤被弘獎顧余誠謏劣
妄欲窮垓壤受易憶童叟河圖倚參兩深維觀營
理閭索方圖像敬授讀虞典璿璣制攸昉載稽月
令星乃與羲和爽諸家疏歲差文繁終惚恍咨諏
曾末由學淺意徒廣傍蒐及史乘天官代依倣古
曆祿讖緯六天皆臆想太初但草創四分益朦朧
積候稍精密漢曆惟乾象劉洪爰焯鳴晉隋黃美
子元曆隋劉大衍繼洪興唐一行作大衍紀元與
庫皇極曆唐諸法

統天

宋曆十餘改
惟二曆稱最

步算漸昭朗許郭起元初

元郭守敬

許衡作授時曆集中
曆之大成行亦最久

影測判尋丈始信通經儒能

辨疇人罔爰徵西國傳談天如視掌譯用賴吳淞

析義仍吾黨

西學之人始于隋開皇己未唐有九
龍曆元有回回曆明亦兼用至徐文

定公譯曆書
其說始暢

自魏居方內閱管見益益以斯重發

憤九數披榛莽心神似有通宿疑時豁昶於世故

無裨棄置殊難彊展轉三十年迴思成悵惘爲君

聊復陳悠然一俯仰

戊辰

上少司馬金懷存五十韻

郁伯行春日姬公作洛年黍苗霖雨渥吐握碩膚
傳謀斷兼房杜風徽軼許燕高言紛若綺華琯總
如椽弱冠承明直良書中秘研錦袍被蜀襪蠟炬
送金蓮望愜司成座才優秉憲銓羊城遺愛在劍
閣德音宣陳臬平反允分藩額例蠲棠陰通宛歛
河潤洽伊瀍治行中邦最徵車北闕旋雍容襄祿
裕溫栗飭宮縣淳陟西臺長爰參密院摧折衝紆
借箸廟算裕籌邊轉餉昆明泚銷氛難足顛負嵎

鐵院奏凱鼓闐闐丹陛還元老歌鐘銘甸川建
牙庚福浙憑軾汔垓埏白傅難方駕眉山差比肩
文於經國著道果濟時全庇宇巖阿靜耽奇嘯咏
偏辭知尊雅頌書欲契方圓玄白慚揚草驅馳媿
祖鞭寧能闕要眇猶解別星躔仰止情何極迂疎
守特堅掩關聊尚志挾策敢求憐濟美璫篋擅仁
聲江漢駢甄陶成善俗蒐拔盡英賢自分蓬蒿賤
奚當束帛先下交寬禮數幽賞進言詮報玖方無
地垂青復自天姓名芬齒頰枯冷起爐然初遂荆

州愿言乘越水船海潮秋浩淼湖月夜嬋娟漫刺
容長揖盤餐損俸錢咨諏忘腐鈍餽問感纏綿
郁梅花塢清冷楊柳泉郊原安在席浦澈恣洞沿
鷺嶺香光迴吳峯塔影連熊旂明旭彩畫戟孃晴
烟上壽禎符集揆辰麗景鮮旄倪羣抃舞冠蓋接
蟬聯照耀公門李栽培匠伯榘顏非丹已駐生以
道長延候暝禽魚喜風和卉木妍隄陬欣祝誦壺
嶠注神仙甲子添籌數台衡側席專都兪惟贊贊
德業更乾乾幸附涖岑末爲庶械樸簫傾葵觀大

澤化日樂漁叟

南屏山尋張司馬墓

木落早霜催荒墳在草萊千秋亡國恨四野暮猿
哀正氣還晶宇丹心照夜臺應多精爽見檣櫓御
風雷

答別陸鈐侯

三首

當世言經學淵源推甬東藏書啟天一南雷精折
衷名賢相後先奮起乘長風之子甦雌伏氣若秋
天虹摘辭爛綺霞析義開鴻濛作賦紀園邱著辨

明三江頗正鄙元注能令禹貢通我觀錢唐潮道
院欣相逢贈我以新詩出水初芙蓉自顧實謏陋
癖嗜人無同推許過其分慚慙填心胸

玄暉吟北樓澄江映千古高響繼青蓮耶亭鎮平
楚千尺桃花源沿回瀉深阻川原出有時顯晦難
自主安吳有古城義旗此指拄卓哉忠壯猷英風
思石柱未得名詩篇舊蹟徒四五君子多雅懷景
物寄仰俯咏歌滿沙城洪音發鐘呂誰言今昔殊
勝事高文補溪山表清奇來者成遊譜

因君念梅溪彈指俄四載暮春山色佳歷此探黃
海招攜五六人倡和音猶在君時處官闕高言何
磊磊姓字祇今通聲氣久相違我讀黎洲詩知交
數蘭蕕殷勤及沈梅先生相善詩厝景及之松筠
志無改邂逅豈徒然崇論得深解四明峯渾約文
脊亦瀟灑南條地脈連江流勢同滙人生類轉蓬
去住各有待安得長追隨晤對拍疑舛

吳烈婦戴氏哀辭

代

正氣扶兩間成仁以取義慨慷與從容自古較難

易壯哉烈士操乃於巾幗備夫喪彌四旬百折成
初志當其慘裂時家人謹防視慈母及尊章引禮
巧寬譬貞烈固同歸心跡豈軒輊忍死奉高堂寧
不靈帷慰兒心不可轉有死更無二本愿歟夫前
懼增病者削庶茲骨未寒相及黃泉內觸柱石未
能投繯屢勿遂絕食食黃金指環吞九事剖鏡嚙
玻璃多方斬早斃胃敗神明清七日無聲氣臨革
乃一言翁姑孝養未人誰不有死死或鴻毛似節
烈重泰山或激崇朝意展轉終不渝爲難將幾倍

由來忠孝心始念人人是須臾多變更中懷自潛
異何況稱未亡亦且符旌例乃知至性堅匪因名
譽致艱貞光日月勁節風雷厲詎惟婦德昭永令
臣子媿浩浩錢唐流蟲蟲吳山峙乾坤有毀息綱
常此維係

送張碩忱歸武林

金輪寸疊鳴宵漏華珩尋舒鵬遠天顧我平生耽
隱蹟逢君遲莫慰周還牙琴在昔知音僅慶鏤還
誰絕技偏宛水清冷秋日迴一尊分手意難傳

九月下浣喜重晤魯駿若先輩

三首是日適值換辰

萬物役人智流水年華逐誰能無一營米真樂適
軸伊人秋水湄逍遙遺寵辱誠堪黃綺儔寧惟幽
賞獨浩淼南漪波威夷北山麓不知滄海更但有
高眠熟七十古衣冠顏色嬰兒渥省躬實浮沉沉
愛徒鹿鹿何當湖上峯和歌遊遠目榮名棄土苴
至道全淳樸

邂逅憶疇昔攘攘闔閭中相視各凝睇姓名聊復
通神交愜素心執手懽初逢豈緊形貌殊將無氣

類同方欣鄙悵消質難資磨礱離別忽以遠湖山
西與東八載此重覩年時驚飄蓬君壽且康強周
旋滋益恭汗漫慚靡成斯須爲老翁黃芽種非遐
丹山塗木窮庶奮魯陽戈勉追高蹤

朱陸生同異聖緒乍明滅終年論辨新未有躬行
決壇坫沿盱江純素謝緇涅舉世何紛紛獨矢固
窮節師道日陵替餽羊留往轍枰觴五六人擎蹠
禮無缺諒哉目擊存理性匪賸說相彼原泉清汲
久食愈冽和順爲英華飲醇各心折自茲長駐顏

古誼啟來詰

已已

施汜郎小照

梅放山窗啼百舌
山城黯黯飛春雪
雪消春雨轉
霏微把酒開書總
愁絕展君畫冊雙
眉伸梧桐百
尺何鮮新伊人
箕踞在其下苔
茵坐嘯無纖塵
小鬟却立囊琴
畔似解君吟能
送難數卷縹緗
家學存石床春
甕羅清馥因憶
尔方童車時辟
兵卜築雙溪湄
侍講賢書初入
仕宦賀相從鄰
里爲爾後

雲泥將二紀圖經編纂論交始
祇聞先生爲舊誼
忘年下問談傾耳吁嗟往事難
重陳西州有淚徒
酸辛却羨烏衣能踵武如君文采
尤彬彬君不見
寄雲樓下遙山碧翠從歌聲出
金石新詩題向黃
山椒觀潮時著錢唐屐從來經術
有淵源萬事爲
之及盛年名教寧妨行樂地日休
心逸無華顛莫
如余輩甘衰朽有志無成祇自憐

三月三日送賈鼎玉

江城雲物正春分柳絮驅鶯嬌
此送君回首明湖同

令節高歌藉草醉斜曛扁舟吳越頻分袂匹馬幽
燕好勒勲壯志相看雄劍在未須兒女惜離羣

寄贈雪松上人

皎皎雲巖雪亭亭石欄松設設發遙響歷歷明寒
空孤標絕衆緣貞幹成蚪龍萬物有榮落清真無
始終之子遊方外誅茅飛瀑中夜梵澹塵慮山鳥
依晨鐘千峯羅几榻洞壑開龍蹊冰心沃炎燄鶴
骨支鴻濛可名非常名思君道所通青蒼鬱相望
峯伴柴扉東古木森霜崖何當策短筇一卷趺高

顛劇論乘天風

登燕子磯同蒲庵大師劉承哉分賦

片石欹橫盡大荒江天雨霽望中長
乘風櫓櫓來空濶隔岸烟巒接混茫
亭立山椒供嘯傲洲連港口識滄桑
閒情輸與安禪客瓢笠行吟一葦航

進鮮橋

石橋在燕子磯側唐家山下江舟自此達鍾山相傳先朝進鮮魚水道相

近有鮮魚風

鍾山通曲港橋有進鮮名求野存先典
沿流指舊京渚喧官艦泊磯晚市燈明
正是鮮魚候扁舟無

限情

舟過維揚張山來惠新刻六種

扁舟渺渺過蕪城長夏薰風放棹輕久別故人重
握手相遺書卷憫平生名山著撰原家學通邑交
遊足友聲披讀泠然炎暑失扣舷高咏斗牛橫

送徧如同宗歸華陰

君住華山仙掌下余家柏枧白雲中間途川岳三
千里微譜淵源百世同宿雨連床增慰藉新晴鼓
棹暨西東知君未戀希夷峽意在長揚作賦工

爲徐敬可先生題箴卽送歸南

四首

燕臺楊柳正新晴歸客圖書一棹輕雲物故鄉逢
久別船窓茗椀聽流鶯

客中送客事尋常淡泊相遭味獨長珍重遺編能

早寄廣陵中散意難忘

惟淡與泊有時相遭天風
吹浪羣簫簫聲可題余

小係中語也敬可有王寅旭
先生曆學諸書約相寄訂

癖嗜知希付古今逢君塵外領遙深何當柴几經

旬對笑問環中四易心

徐氏四易散
可所著也

落落同心天地內合并寧憚遠追攀憑君好寄揚

雲語待我三吳山水間

敬可爲余言揚道聲余亦素聞其人

劉承哉將歸宣城爲作揆日之器併得一詩
桑弧良有志故鄉亦足懷
觀茲物候殊能不早旋
歸扁舟溯會通兼句涉河淮
山色過江好日月俱
清佳秋風起石頭知君顏色開

庚午

寄懷馬葵庵濟南

湖上桃花載酒時
吳山高館共題詩
却看聚散流光駛
忽漫風埃邂逅奇
萬事人間成夢覺
百年吾

道有鬚眉久要自是君家學莫忘良書慰遠思

茹衡州紫庭李福安調御招集張園時兩君

皆將之任

同易堂梁質人金陵馬洛開吳門劉繼莊山陰楊可思宛平劉

德柔德開新安蔡瞻明

高柳青藤暑不生雨餘泉石坐來清地疑江國增
鄉思天放吾儕作好晴肯酒乍能消永日輟車其
那又長征却言邊徼淳風在南嶽東甌無限情

日晷

旭日升扶桑萬物斯並作苟非夜氣存其能平旦

息歲功成發歛妙理在坤復所以古哲人朝夕守
乾惕主靜以爲君健運見天則寬綽有餘閒作德
惟心逸

梁質人將之衡州賦贈

通人見未然賢者多隱憂寧同儕俗論戚促惟身
謀憶昔君遠別飄然事遨遊八載觀金陵強罔作
離秋我時正越行爲君遲輕舟示我一編書乃是
西邊籌至計誠非迂遐荒費冥蒐天下方假戈詩
酒羣優游桑土慮何深未雨思綢繆相逢復繭門

羽微傳道表已事良足徵有志何當酬巨室勤丹
獲大木恆旁求匠伯或問覲代斲徒悠悠浮雲接
天飛渺渺望齊州衡湘萬里程君去我還留片語
贈臨岐惟君慎所投懷寶而被褐庶以紹前修

辛未

寄贈楊安城襄平

皂帽支離木榻穿居人盡識管寧賢雲消長白山
前屐魚美松花江上船耆舊過從推祭酒家庭酬
唱有詩篇他時鶴髮還吳會應憶淳龐絕塞偏

寄祝少司馬李厚菴五十

三首

海嶽滙靈祕運會挺英詰遂攸古皇局高步儒先
轍經術蚤受知名高志逾潔翼翼循牆心蹇蹇匪
躬節一籌佐休沐攪搶埽鯨穴始信下帷人實效
理無缺文真經國用衡惟尊俎折祇今官政服翔
翔紆九列啟沃 眷方隆蒼生願還切元化贊討
漠納埃儲稷契自茲達期頤陰陽藉提挈

易象肇河洛理數相爲根京焦鼎輔嗣授受傳專
門卓犖宋諸子圖學永淵源近代亦有作蹟隨紛

掀翻君子折其衷至義簡不繁朱邵旨爲伸不廢
子雲元二篇序卦位祿互兼討論憂患文周心潔
淨庖羲言會通成獨契前聞益共尊在昔寡過儒
韋編同歲年旣窮天地心已探知命原豈假參同
術伏食希高竊

蕭韶邈古音璣衡遺確制歷紀援鐘律牽傳失其
是伊人讀易暇疏剔各盡致呂覽及周官博辨析
疑義推步兼西術高文發奇秘末學誠迂嬾九九
徒癖嗜冥勘憐涓流詬詆折行輩謂言考據繁流

通實非易摘要陳簡編庶俾經生視以茲策爲鈍
獲於公餘侍請益志方著中道饑驅累慚愧負甄
陶微願何當遂日夕讀良書肅容拜提誨華祝遲
振趨臨風寄遙思

題抱雪圖

井序

抱雪圖者管子茹芝思其親而作也尊公
僅齋先生之啟手足也爲康熙庚午冬于
時大雪數尺是歲南之寒凍甚於北三吳
兩淞江河盡冰斷行舟焉數十年未有之

奇也蓋先生誕日萬曆癸丑冬亦大雪云
先生居恆對雪觚如有所亡嘗恍忽記憶
在深山草閣積雪千丈二三老友鬣眉皓
首執手送別依依不能舍遂翩然踏雪而
來至今若失歸期爾又嘗曰吾去之日必
不於夏於春於秋其在水堅氣肅時乎兒
時遇雪輒啼曰兒欲歸去也至是先生見
雪訢然擁被起曰吾生也以大雪今去亦
大雪吾行光潔中至樂也言訖而瞑嗚呼

跡先生生平行芳履素涅而不緇所謂度
白雪以方潔殆其人歟氣類相感埋固宜
然然則胥子之圖是也豈惟風木之悲抑
亦羹牆之慕矣

人稟陰陽精於類各有合衆人登春臺熙熙遂生
滅貞操不泥滓獨守歲寒節西北氣尊嚴飛霞于
焉集纖塵絕太宰宇宙但純白君子愜生平愛此
寒光潔一笑謝人間浩然返真宅披圖仰遺軌炎
歎生凜烈冰心藉寶傳承以收來詰

十月十四日間水亭看月懷晉元彥同北固

作

萬井寒烟迥高臺霽雪明
河水連岸下海月帶潮生
病骨驚時序鄉心慰友聲
遙憐江國路歸客獨長征

士中

贈吳胥嶺

二首

地圓占北極周遭九萬里
徑羅北恆星千億非能
擬配位稱三才藐藐抑奚恃
我愛莊生言天地一

指耳巧歷雖難盡果藏亦有理輪法齊星行大小
互相似寧惟善籌策良由共根柢所以古語人六
合掌中視爲學及盛年銳志誠足喜原泉出靈巖
鬚眉鑑清泚涓涓日夜流放海猶未已相彼乘槎
人崑崙近如咫

古法收逸精小異歸大同學人守師說中西各長

雄誰知歐邏言乃與周髀通

周髀七衡之說言北
極之下其人朝拜非

幾今百人五帶分
理蓋畧似其指

結髮受經史此事疑在胸往者

不可作欲問將焉從積久思慮專徑轉千山窮欣

欣雲霧開昭昭發我蒙獨見期共明其人亦等逢
勉旃慎前路惟恒日有功妙悟生熟復不離書卷
中

送胥嶽歸黃山兼寄懷謝象新

丙寅四月同胥嶽之叔詩

兄東嶽象士旦舍姪耦長遊黃山至湯
川余以事還歸謝象新家黃山之麓不相
見亦五年矣

黃山三百峰朶朶開青蓮軒轅鍊丹臺松根流紫
烟行遊得藥師羽衣何翩跹肩隨五六人安期與
成連高歌經石笋琪花粉鮮妍片雲作山雪初夏

寒披氈百里俛平疇午日皎仙源因思測量理交

羅寶網圓

初嚴言諸佛國土交光相羅如寶網曆家空中諸義相交相錯之形似之

清寂遺衆慮觸景成詩篇湯口一以別迴首意茫

然好古有謝客卜築茲山前子家亦山陽歸去相

周旋會須擲一切積此幽探緣趺坐天都頂澡浴

朱砂泉那知大藥成且令俗累捐著書傳吾黨悠

悠忘歲年

次韻酬王衛侯見懷

生事餘殘帙差無始願違故山多入夢倦客蚤思

歸水泮懷春棹潮生坐晚暉新詩能好我高論愧
探微

送馮武若還沁州同阮于岳袁中江李萬資
張遠亭

相送長安道重逢已四年顧余還旅食喜爾未華
顛祿薄殷憂少才多警句傳參軍真俊逸酬倡有
新篇

語友稠樂莊亦官有寐
能遇錫製輒多倡和

癸酉

三月五日贈別劉北固

三首

形影相依已數年無端分手暮春天幾回欲過西
窓語舉步將行意惘然

夢覺繩床旅鴈聞預愁難別祇因君如何問水亭
中立我反孤吟獨看雲

我欲先行君已悲君今先我事難知縱令後約能
無爽白首還堪幾別離

題意園圖贈朱林修

秦淮分北流帝城跨而峙派別古青谿蜿蜒高城
裏古淮至冬涸溪流冬逾美寒潭澄以泓清冷客

塵洗伊人有遠懷結廬水中沚負淮而面城軒窗
豁然啟青青隔岸柳亭亭依檻梓客至羅琴尊開
書訂前史酒酣時縱歌千言成寸晷那知闌闌間
幽居勝如此占斷青谿流茶邨詩占所
清谿是此樓鍾山亦如
咫還思古人意大隱每朝市我來思卜鄰謂可終
老矣誰爲君作圖老友鸛阿子境象增寥廓憑君
意中擬野興何蕭疎四座春雲起因觀畫者意天
地誠一指惟有意無盡斯語多妙理廣廈千萬間
意匠經營耳微言題簡端要歸誠正肯我讀秋水

詩驚歎故人已
王安節覽磨阿詩甚悲楚憬然重對茲芳規存
片紙願君寶愛之相與千秋砥陳蹟從廢興淳意
無終始

甲戌

贅老人歌
為老友陸寅降作

我聞漆園說枝指又云天地一指耳仁義多方皆
贅疣何況區區藝能美工倕摺指曠寒聰決疣墮
贅成大通能外其身身不壞知身為贅喜憂同辟
如止水一漚起俄焉漚破仍歸水以水視漚誠贅

虎七政麗天當亦爾更爲放眼觀太虛大圓兀浮
漚不殊吾汝形骸大圓裏大小雖分贅而已老人
老人爾勿悲不須自惡形支離如君少壯真爲贅
交遊譽問勞心思春花秋月撚髭斷髮几晴窻運
腕疲君今漸近無懷意忘機息影原非癡支離其
德全生旨逸我以老斯其時

贈劉望之先輩

二首

望之有春王正月解以改月爲是又桓王
論言春秋托始平桓著周之始失諸侯也
其失誤尤在伐鄭故特書示貶而申公詩
說言桓王屢歲用兵伐滕薛杞唐諸小國

周人苦之賦何章不黃因以知諸國貶爵
皆周王所黜而春秋書之尊王命也又詩
論三篇言詩亡爲先王詩教之亡雅頌失
所而禮樂從之廢故春秋作焉王自非
非東還降也又本詩說及子貢詩傳言魯
頌作于僖公僭也其實與東山諸什並
風耳風無幽風者雅詩篇名周公重述
祖德詔成王也夫子自衛反魯然後樂正
蓋參攷他國樂章以正魯失故雅頌始
其所今齊魯韓三家之詩並亡獨傳毛詩
毛公所傳蓋卽未經正定之詩故其
篇目與李札所觀無異非孔氏詩也

經史本經緯末學岐源流文賦咀其華儒效無一
收聖籍理平中詰訓煩優柔漢宋人代興聚訟生
矯揉之子紹家學淹通悉冥蒐詩傳宗端木收月

信春秋筆削肇平桓至意良可求周人賦何草侵
小兵未休博引申公詩兼明貶爵由伐鄭非天討
周始失諸侯詩亡王迹熄私淑一言留國風降黍
離謬解何悠悠豈知詩教失禮樂燠荒邱闕宮頌
史克守府空綴旒退魯進幽風經爲孔氏修大義
同尊王志在爲東周沿誤黜毛萇寧惟盲左浮窮
經歸實用膏肓賴以瘳舉措爲事業鴻文開遠猷
真闕述作心慙勤萬世謀胸非貫奎史墜緒誰能
紬

運移國是勢勢激羣情怒公戰怯危疆私鬪先門
戶吾鄉獨聘君中立無攀附尚志薄青紫力學恥
章句忠孝懷古誼草茅關世務論兵捫蝨譚石畫
出暇豫公卿爭折節廟算借前箸修攘諸幾宜小
試資防禦尤精昭代典六官存掌故識大有成書
列朝詳考據子舍依舊京編纂侍朝暮手彙落人
間闔誦靡缺誤年來史局開鴻博盛辭賦豈不寬
網羅何時畢撰著君移侍講書深衷托毫素匪紆
局外籌實切衷譏懼作史十難并一一披情慄紀

載神因革憂時更遠慮遺編滋抱痛金門仍却步
憶昨遊燕薊曆志謬參預巨艦涉洪濤聊爾一篙
助良朋數甬東多識亦韋布安能集兩長腹笥微
參互傳聞酌信疑虛公蠲黨護大義明千秋衆論
哀平怨徽猷藉褒揚前雪慰呼籲寧惟先德光文
成殆其庶

吾友寧波萬季野熟于有明三
百年掌故爲今史局諸公所資

次吳街南韻送劉望之歸百泉二首

望之精史學遠遊不返垂四十年今忽旋
里仍以家累子身北去。已未庚申間史
局初開余曾寓書思山侍講言作史必資
耆貳吾鄉如劉望之倚居中州距京非遠

宜迎致以備諮詢而望之亦有答恩山書
罷魏數千言具言明史事宜惜浮沉未達
鹿巷劉氏家乘向爲鹿麓公增修其書不
傳僅存者吾友景威手鈔舊棄望之續成
之嚴整簡核可式山左孔樵繼明府嘗屬
其甥杞縣令爲望之治裝以遂首邱願盡
甚至聞余在京師特過致詢望
之歸未雅意許許殊令人感也

史局移書感歲華懷人渺渺各天涯難歸杜甫聞
聲久乍返丁威慰藉加鹿巷門庭嚴譖牒滄峰樓
隱認桑麻故山邱墓良朋意肯謂蘇門自有家
依舊支離涉大川舟車迢遞意悽然忍看耆宿晨
星在難忘編摩手澤傳獨往祇今途不畏重來可

信約能堅家園書種吾儕事結伴青春待汝還

梅隴雙峰歌

爲丁翁士芮作

梅隴直上雙圭峰大峰列嶂摩蒼穹小峰天柱支
鴻濛飄若仙人行御風天梁天際裊長虹乾畫連
三紫氣重覓旌絳節蹇飛龍袍袖飛揚倚碧空四
山環竝森垣墉蓬萊宮闕雲霄中鳥道千盤一綫
通山庭軒殿開心胸丁翁結廬峰之麓於世何求
道寵辱妻自采山身種尤憶初策杖來山谷終日
看山看不足翁家山稻釀新熟冬筍香狸佐醺醪

彈指年華十八遷薄遊燕越餘霜顛翁今筋力更
強健七十如嬰妻亦然君不見桃花源秦代桑麻
上古田人間萬事既遠隔耳目寧滯天與全安能
卜築茲山偏訢然日與翁周旋茅屋依巖三四椽
密爾靈區息衆緣振衣高步登層巔洗滌神潢澗
天泉時復盤桓松石邊俯聽礫礫響凌蒼煙復撲飲
醇忘歲年山稻稻之別種種于山椒不藉水田自
然得茂亦有抗植二種味甚美尤宜釀
酒香烈似
麝肉甚香

贈陸生維馨卽送其歸吳門二首

寒雨柴門迴青銓衆慮無相看文思遲不信遠懷
孤白髮雙視健南歸萬里塗雲霄應自致色養慰
桑榆

惜別燕山道回看忽二年山郵勞跋涉晨夕重周
旋奇字余何有天真爾獨全臨岐無以贈片語是
精專

讀興化李氏先蹟紀畧得詩四章呈李萊馭

萊馭字挽河興化相公玄
孫陝西巡撫薛奇之子

祖德述康樂奕葉垂芬芳善繼本親承深衷斯闡

揚先生文定裔抑抑流輝光忘年交後生識度何
汪洋示我一編書約徵家乘詳遠矣先澤深休哉
餘慶長巨浸發高源到海猶未央王謝若在盧前
代誰能方曾不諱隱約益令潛德彰興起良在茲
豈獨誇文章再拜盟于嶺屏氣肅衣裳

世廟持英斷聰察尚立理如神惟倖威高居握天
紀碩輔濟柔中殊眷全終始歸第彩轡送納涼西
苑裏密勿參訐謨削草成上美首揆隆慶朝勲業
尤光偉于時俺答來款塞煩議擬盈庭集舍謀一

言衷國是至計服羣疑邊燧寧四紀身退及功成
先幾義知止尤難雙白存哀王承甘旨至樂備尊
養王溥差堪比孝德釀元和遺規在孫子

遺規戒守謙妨賢謝科第天道誠不遠恩榮還數
世卓犖沮脩翁高舉溪聲刊篤生司馬賢鍾武繩
先義持衡鄒魯邦網羅稱得士河洛復旬宣開塞
禹功繼轉餉入關中軍儲能不匱醫藥救天札背
帶掩棺楷歡聲滕建牙願觀渤海治秦盜方懸棧
剽撫事良易曲突沮成謀驅賊蔓鄰地大功惜未

就拂衣遂初志出處感興亡俯仰一長喟

友于溯淵源迺自洪武初爭徒篤天倫而不懷所
居退讓成內則于今十世餘洵美封夫人掌臬嚴
舅姑先生述母儀使我重嗟吁和易本胎教撝謙
成乳哺德配况賢淑恪順相其夫君年今七十嬰
兒顏色愉相對忘町畦所養固已殊誰謂儒官卑
休疑儒術迂君觀家法良運會曾弗渝惟孝施有
政仁義言藹如高文昔欣賞芳型茲步趨先公遜
宅風因君想令模由來身教先承風實起于

乙亥

觀湖先生八十

四首

縹緲敬亭峰，搖曳官湖波。
湖濱學易人，白髮朱顏。
酖荆扉，倪漣漪，倚杖看嵯峨。
長隄柳青青，紅桃徧山阿。
小步出前岡，橫橋披薜蘿。
微酣歌竹冠，新詩行且歌。
西蜀君平簾，白泉康節窩。
笑問磻溪叟，何似雲烟過八十方爲春熙熙遊太和。

一畫兼衆妙，逢原會溟渤。
君子善名理，觀天析毛髮。
至哉九數功，龍蹟亦昭揭。
歐邏數萬程，寶錢異。

出沒巧歷絕恆慮箋疏吾才竭踵事生新智循循
蹊徑越創獲歸平實易地驚超忽浩淼三神山啟
塗思故筏敢忘善誘初古義每相發大象而三極
陰陽配日月

流止察融結乘生能澤枯俗術何紛紛小黠歸大
愚苟非衷至道悲誰破矯誣伊昔從登陟高深信
所如幽探驅虎鼓目縱青雲衢久淹實滋懼德薄
阻洪圖引分聊自安至意良已孤昭亭鬱神秀盤
陀留與區君今所願得人定天相扶自茲培本根

華實看芬敷

天人理貞勝環中看倚伏誰能遺世榮兄弟老巖
谷邨落憶追隨小徑平時綠先生旧種秫小山花
覆屋童稚盡知書耒耜安淳樸庶同彥方里詎羨
彭澤祿鄉邦數文獻望古有高躅山川故鬱蔥晨
星歎耆宿願緩遙輦駕爲示先民鵠觀刑良在茲
來者資陶淑

輓倪樂翁高士

三首樂翁賞余潤器有知己之言比余復來觀湖後與深

譚而前兩
目已捐館

故舊晨星盡憐君避世真灌園三畝宅皂帽百年
身教子閒驅犢談經輟負薪悲哉今論定邱壑一
遺民

七十身無疾全歸亦未哀所嗟兄耄耋誰復共尊
罍句讀傳鄰里兒孫有俊才好留詩卷在不逐劫
同灰

知己天涯遠千秋取信難虛名余負累薄技爾深
觀餘劒空懸札遷書亟報安悔來遲信宿未共子
期彈

蓮華峰頂

補作

羣峰六六海中蓮，撰族尊高爾獨偏。
設訝俯看無衆嶽，已知迴望入諸天。
埏埴指顧黃輿小，宇宙空明白日懸。
多少詩人工擬議，青鞵幾箇到層巔。

贈吳街南

街南先生隱南郭，拄杖方袍冠以彝。
蒿目將迴萬里瀾，抗懷雅負千秋畧。
前此十年贈我文，勉以性學殊慙勤。
余耽象數慚躬行，未敢於道稱有聞。
噫，古聖不可作，遙遙墜緒宗閭洛。
姚江後起成代

興承流末學貪彈駁原其初旨因抹時矯枉過正
誠有之拔本塞源議良是詩書禮樂原非支卽如
程門譏翫物讀史何嘗廢佔畢作字甚敬諱求工
不聞藝累周文公古人立言意在後儒沿說生
拘礙自非淹貫識根宗學術何年泯異同吳子談
道離窠臼鱗然一洗諸家陋文阻六籍包羣英書
法鍾王追篆籀闢義期教俗尚移禮問能疏焉鄭
疑坐言起行歸實用讀書論世尤恢奇我於吳子
未能窺涯涘但見吳子之學未有止著書不肯名

一家庶幾討論求公是行誼弗愧祖洲甥名理姑
山出藍矣指授不欲忘淵源家學時稱夢華子祇
今齒已逮從心學學猶全志學始從茲喪勉及期
願優入所臻誰復知君不見昔者西河年過百歸
然出作文侯師上壽斯文闕氣運豈止鄉邦賴羽
儀

丙子

同諸公論詩有作

五字風騷近三唐格律精江山留古調雲物變新

聲光燄生工力溫柔出性情終當還正始時論未
須爭

次韻野桂和張魯庵使君

春桂瓊瑤色秋花恐不如香親雲閣簡開憶故山
廬月下誰分種雲中想荷鋤使君耽野興几案任
蕭疎

采石磯

不上層臺又十年偕登此日興悠然松梢帆影來
天際雲外山光落檻邊戰伐只今成往蹟烟波何

處弔前賢題詩賴有羣公在午夜高歌月滿船

舟中懷咎元彥諸子

燕地三年別官齋握手初羣賢江上舫之子枕中
書雨過篷牕靜春深岸柳舒和歌君不見好景正
愁子

右元彥

白髮壯心已滄洲感慨多聞君經百戰所至定悲
歌板子磯前壘濡須江口波牙檣偏後發吟眺興
如何

右卓子任

遲日春江道同舟有伯兄
颿開隄草綠花落浦潮
生尊酒酬江月芳洲多
遠情懸知吟嘯處雙榜
流鶯

右符仲緒

汪磴仙小影

識君將二紀穆然飲醇意
六籍羅几榻望古每高
視新詞手自書波磔理
微至幽居近市廛未覺
深山異對茲方外容神
明特冲粹我聞一切智
含藏

第一義君真會心者寧須盡吐棄才多光弗耀超
超自遐寄

長干寺喜晤王畊書出詩彙見示

宛南峰崔嵬宛北水漣漪沿洄百里間山澤成分
岐吾汝况善遊會合曾無期憶昨歲沿灘燕市承
須眉相看各老大異地慰問思場來五載別重逢
江水湄箴規孝友言縱衡行笈詩登臨慕古先節
烈徵幽奇卓犖寫胸臆不尋浮響卑志意良獨遠
真樸生淋漓尤深風俗感欲障川東之每從壁上

親慨發蒼生悲此事根天性安問流輩知平生卹
律懷亦忘貧賤羈闊迂恒自憐迺有君共斯同心
不在多勿云結交遲

題朱字綠濯足圖

物理歸逝波陳迹復何有自非情性真泉石亦塵
垢伊人濯雙足寄意良已厚思親珍體膚跬步念
所受寧惟慎毀傷素履知無咎涉川會有期潔清
以爲守

曾孫

鈐

校字